


PLEIV TUJETSCH



Rapport annual 1989/90

I N V I T A Z I U N

alla radunonza generala dalla pleiv da Tujetsch mardis, ils
12 da zercladur 1990 allas 20.15 uras en l'aula dalla casa
da scola a Sedrun

T R A C T A N D A S :

Avertura e beinvegni

1. Elecziun da dus dumbravuschs
2. Protocol dalla davosa radunonza generala
dils 5-6-89.
3. Rapport dil president
4. Rapport dil president dil Cussegl pastoral
5. Rapport da quen, dils revisurs ed
approbaziun dil quen 89/90
6. Orientaziun e damonda da credit per la
renovaziun dalla caplutta da Nossadunna
a Zarcuns.
7. Preventiv 1990/91
8. Elecziuns pil Cussegl pastoral
9. Varia

A stedia
participaziun envida

per la suprastonza dalla pleiv Tujetsch

il pres.: Tarcisi Hendry
il vicepres.: Silvio Schmid

P R O T O C O L
dalla
radunonza generala dils 5 da zercladur 1989 en l'aula da
scola Sedrun.

Cun grond plascher beneventa president Ciril Berther la gronda participaziun dils 61 presents tier nossa radunonza generala e rendaziun da quen. In special beinvegni a nies augsegner sur Giusep Cathomas, sco era a president communal Gion Beer ed entgins geraus.

Perstgisai: Sur Pius Venzin, Dori Loretz e Ludivina Loretz.

- Tractandas:
1. Beinvegni
 2. Elecziun da dus dumbravuschs
 3. Protocol
 4. Rapport dil president dalla pleiv
 5. Rapport dil president dil Cussegl pastoral
 6. Quen annual
 - a) rapport da quen
 - b) rapport dils revisurs
 - c) approbaziun dil quen
 7. Preventiv 1989/90
 8. Caplutta Nossadunna Zarcuns
 9. Elecziun dil plevon per Sedrun/Tujetsch
 10. Elecziuns
 11. Elecziun d'in substitut el Corpus catholicum
 12. Varia

2. Sco dumbravuschs vegnan proponi ed elegi: Nazi Cathomas e Beni Hendry.

3. Il protocol dalla radunonza generala dils 20-6-88 vegn prelegius ed approbaus cun engraziament.

4. Il rapport dil president ei staus publicaus, aschia ch'el vegn buca legius aunc inaga.

Nies president engrazia cordialmein per la confidonza e susteniment demussau igl entir onn. In special engraziament a sur Giusep Cathomas che banduna nus igl october. El ha adina giu bien quitau per sias nuorsas ed aschia eis ei capeivel che nus schein ira el mo nuidis ord nossa val. Denton havein nus capientscha per sia abdicaziun e giavischein ad el tut bien egl avegnir.

5. Era il rapport dil Cussegl pastoral ei staus publicaus. Il president Rudolf Giossi engrazia a nos revendi augsegners ed a tuts che s'engaschan per fatgs pastorals.

6. Demai ch'il quen e bilanza ein era stampai el rapport ha mintgin saviu studegiar el. Cun gronda capientscha e premura ha nosa cassiera Berta Berther puspei saviu presentar in oreifer quen. Revisur Robert Schmid engrazia alla cassiera per sia buna lavur e propona d'approbar il quen. Cun tscherna unanima vegn il quen per 1988/89 approbaus.

7. Preventiv 1989/90. Demai ch'ei dat neginas damondas vegn era il preventiv approbaus.

8. Caplutta da Nossadunna a Zarcuns.

Il president declara co la situaziun se presenta ussa. Per la renovaziun havein nus aunc oz buca lubientscha. Crap da scarpetsch ei l'annexa dalla vart sura. Nos convischins da Zarcuns e nies rev augsegner san buca sustener ina allontanaziun da quella annexa senza haver ina sligiazion acceptabla. Tonaton fa ei plaunsiu prescha cun il tetg, aschia havein nus danovamein dumandau nossas autoritads d'arstgar silmeins mantener igl existent. Sin quei havein nus survegniu danovamein ina risposta negativa. Sin giavisch prelegia il president quella brev. L'istanza da baghegiar communal vul buca acceptar nossa damonda da restauraziun en questa fuorma e pretenda meglieras propostas per questa sanaziun. Els supplicheschan nus da presentar in detagliu rapport dad ina istanza cumpatenta. Sur Giusep ei surstaus da quella posizion dalla vischnaunca e manegia che quei pierti hagi ina muntada pastorala e demai che l'entrada dalla caplutta ei pli bassa che la via fussi la neiv e lozza en buca ditg dad esch en. Sgr. Vigeli Giossi ei dil meini d'allontanar l'annexa. La caplutta se presentassi pli biala en origin e per schanegiar l'entrada dess ei segir ina sligiazion cun ereger in bi plaz da schurmetg. President communal Gion Beer declara ch'els hagian priu investa da quella biala fatschada ed els seigien surstai che nus fetschien la medema damonda senza negina proposta. Era els lessien mo il meglier e giavischien ina restauraziun externa che cuntenti tuts. Sgr. Flurin Berther vul saver sche nus survegnien per la renovaziun daners subvenziunai. Il president declara che quei seigi buca il cass. El appellescha alla urgentadad dalla renovaziun, avon ch'ei detti surprasas pli grondas.

9. Elecziun dil plevon da Sedrun

Duront quella tractanda sabsenta sur Giusep. Nies president seregorda cun engraziament dils merets che sur Giusep Cathomas ha rimnau duront sia pastoraziun da 13 onns en nosa pleiv. Cun la prelecziun dalla brev retschevida dalla cumissiuon dil persunal digl uestgiu da Cuera, presenta el nies candidat: Sur Alexi Manetsch da Muster, plevon a Rabius e Surrein per l'elecziun. Dapli exprima el era da nosa fetg buna impressiuon e dalla cordialitad da sur Manetsch tier

nossa viseta dils 26 da matg a Rabius. Sur Alexi ei il sulet plevon ch'ei s'annunziaus per nossa pleiv. Sgr. Flurin Berther vul saver sche sur Manetsch surprendi era Selva. Il president sa attestar quei. Sgr. Beni Hendry recamonda da sustener l'elecziun ed in summa appelescha el tuts vischins da renconuscher la lavur da tut quels che stattan avon e lavuran per la communitad e buca mo criticar las autoritads. Cun tscherna unanima vegn sur Alexi Manetsch elegius sco niev plevon a Sedrun per la pleiv Tujetsch.

10. Elecziuns: Uonn crodan novas elecziuns da surastonza e revisurs. President Ciril Berther, vicepresidente Carli Curschellas, cassiera Berta Berther ed assessur Giusep Giger abdicheschan definitivamein. L'actuara stat vinavon a disposiziun. Proponi ed elegi vegnan en suprastonza per la proxima perioda:

Tarcisi Hendry, Sedrun, president. Reelegida vegn l'actuara Reginalda Degonda. Plinavon vegnan elegi da niev: Judith Hendry, Sedrun, Bruno Berther, Rueras e Silvio Schmid, Rueras. Sco suppleant da revisurs stat Tadeus Giossi vinavon a disposiziun e per il defunct Stanis Gamboni vegn elegius Ambrosi Soler da Bugnei.

11. Elecziun d'in substitut el Corpus catholicum. Ei vegn fatg ina tscherna d'eleger in substitut pil Corpus catholicum cun schar sura alla suprastonza tgi tarmetter.

12. Varia

Sur Giusep engrazia als suprastonts partents ed a l'entira pleiv per lur sustegn en quels onns da sia pastoraziun. Partenent la renovaziun dalla caplutta da Zarcuns exprima el il giavisch che las instanzas duessien s'entupar il proxim temps e vegnir tier ina sligiazun.

Giavischond ina cordiala buna notg vegn la radunonza serrada.

Sedrun, ils 6 da zercladur

l'actuara

Reginalda Degonda

R A P P O R T A N N U A L

dalla suprastonza dalla pleiv da Tujetsch per igl onn 1989/90.

Preziai parochians,

In onn ei vargaus. Bugen vulein nus enumerar ils impurtonts eveniments succedi el ravugl dalla pleiv. Il Tutpussent ha pertgirau nus da disgrazias e catastofas pli grondas. Persuenter lein nus esser engrazieivels.

MIDADAS TIEL PERSUNAL

Ina gronda cuminonza da conlvreras e conlvrers s'engaschan pils fatgs dalla pleiv. Igl ei cert ch'ei dat cheu mintga onn da notificar enqual midada. Sco a Vus enconuschent ha ei dau midadas ella suprastonza.

Signur Ciril Berther ha abdicau suenter esser staus sis onns in versau e capavel president. El ha tgamunau cun suveranidad la barca dalla pleiv e giu da sliogar ils pli divers problems. Ad el en num dalla pleiv in sincer Dieus paghi per la buna lavur.

Medemamein remess igl uffeci da suprastonts han Berta Berther, sco cassiera, Carli Curschellas, vicepresidente e Giusep Giger, assessur. Era els treis merettan in resentiu engraziament per lur engaschi en favur dalla pleiv.

Midada da plevon

Nunspetgadamein ha sur Giusep Cathomas abdicau ils 1-4-89 sco plevon da s. Vigeli. Igl ei stau grev da schar bandunar sur Giusep la Val Tujetsch suenter tredisch onns ordvart fritgeivla pastoraziun. El ei staus en tuts graus in bien pastur. Primarmein eis el staus igl um dalla baselgia cun ina perschuasiun admirabla. El ei sestentaus per la caussa da Diu; in ver semnader dil plaid dil Segner. Il survetsch divin fuva adina bein preparaus e ses priedis ein stai vivonda religiosa per propi per in e scadin. Per tuttas caschuns, legrevlas e trestas en ed ord baselgia ha el adina anflau ils dretgs plaids.

Ord baselgia ei sur Giusep staus in um dil pievel, in um cumin. El fuva d'entupar empau dapertut. Pils malsaus e nos attempai e pils cussadents digl asil s. Vigeli ha el giu gronda premura ed ei staus in cussegliader en tuts fatgs per giuven e vegl.

Per la fiasta dil s. Rusari ha la populaziun da Tujetsch priu comiau da sur Giusep. La uniuns culturalas han embelli la fiastetta cun diversas producziuns avon baselgia. Duront il past da cumiau ensemen cun tuttas collaboraturas e collaboraturs surdat la suprastonza a sur Giusep in maletg dalla baselgia da s. Vigeli sco regurdientscha ed engraziament per tut operar en Tujetsch.

A sur Giusep in sincer Dieus paghi per tonta premura e survetscheivladad. Nus giavischein a sur Giusep vinavon la benedicziun da Diu, buna sanadad ed in emperneivel operar a Breil.

Il niev plevon, sur Alexi Manetsch

A caschun dalla radunonza generala dalla pleiv dils 5-6-90 vegn sur Alexi Manetsch elegius cun tscherna unanima sco niev plevon da s. Vigeli e Selva/Tschamut.

Oz secapescha ei nuota da sesez ch'ins survegn aschi spert in plevon. La munconza da plevons fa buca mo quitaus als uestgs mobein era al pievel cristian dat quei da patertgar. Per quei vulein nus esser engrazievvels a sur Alexi ch'el ei staus prompts da surprender la pastoraziun en la Val Tujetsch.

L'installaziun entras il sur decan Tumaisch Berther ha giu liug ils 5 da november. Las uniuns culturalas ed in grond pievel ein serimnai per beneventar il niev pastur.

A sur Alexi giavischein nus ina emperneivla e prospereivla pastoraziun, buna sanadad e surtut igl agid, la protecziun e benedicziun dil Tutpussent.

Scolast Leci Jacomet, 40 onns organist da s. Vigeli

Cun la fin digl onn ecclesiastic ha scolast secundar ed organist Leci Jacomet bandunau il baun dall'orgla da s. Vigeli. Cun l'emprema dumengia d'Advent digl onn 1949 ha el surpriu quella missiun. 40 onns ha el surviu alla pleiv sco capavel e premurau organist. Quei ei ina prestaziun che meretta igl engraziament dalla entira pleiv. Contas melli gadas ha el sunau las bialas melodias ed aschia contribuì ad in bi survetsch divin, in survetsch che ha adina animau ils parochians a devoziun e meditaziun. Con paupra fuss la baselgia, las bialas fiastas ecclesiasticas senza quei niebel instrument ch'ei il pli adattaus per il cant sacral. Da cor engraziein nus al Leci per quei admirabel engaschi, per sia premura e sacrifici.

Novs organists

La tscherca d'in organist per s. Vigeli ei stada empau carpusa. Nunanflond en nossa atgna val ina persuna ni pliras per quei survetsch havein stuiu bandunar las scheinas communalas. Nus vein anflau en la persuna da musicist Claudio Simonet, Curaglia in versau e capavel organist. Plinavon havein nus ulteriuramein saviu engaschar dunna Steinacher Erica da Muster/Turitg. Ad els dus giavischein nus plascher e perseveronza cun la regina dils instruments. Pil futur havein ordvart speronza d'anflar ord nossas atgnas retschas in versau ni ina versada organista.

Ulteriuras mutaziuns

Plinavon ha era dunna Maria Flury bandunau la cuminonza da gidonters dalla pleiv . Ella ei stada responsabla per la paramenta dalla baselgia da s.Vigeli. Igl onn 1968 ha ella surpriu quei pensum da dunna Emma Deragisch p.m.. Quei pensum empau el zuppau ha ella ademplier 21 onn. Ad ella seigi en num da tuts engraziau da cor per quei grondius engaschi. Cun l'entschatta schaner ha la calustra da s. Vigeli, dunna Ursula Deplazes, surpriu da lavar il resti baselgia.

A s. Leci ha ei dau ina ulteriura midada. Sgr. Gaudenz Hendry ha abdicau suenter 20 onns survetsch da caluster ed ugau . Nus deplerein sia demissiun, pertgei el ei staus in ugau per propi. Cun grond engaschi e fin sentiment ha el liquidau per cumpleina cuntentientscha da tuts il pensum surdau ad el. Nus engraziein da cor ad el ed a sia entira famiglia en num dils vischins da Cavorgia ed entira pleiv per la lavur ed engaschi.

Sco niev ugau havein nus elegiu Vigeli Schmid-Caminada, Gonda. Nus gratulein e giavischein ad el cuntentientscha e perseveronza cul niev pensum.

ACTIVITADS

Il menaschi dalla pleiv ei vasts e multifars. En pliras sedutas ha la suprastonza tractau e liquidau ils pli differentes problems.

Baselgias e capluttas

Nossas endisch baselgias e capluttas vegnan administradas dils ugaus. Inaga ad onn, il meins schaner, dattan els giu quen alla suprastonza da pleiv. La facultad dallas baselgias

e capluttas ei nudada el present rapport. Ils ugaus tgiran lur beins surdai cun cor ed ei fa plascher da veser ton engaschi. Ad els tuts ensemen in cordial engraziament. Midadas pli grondas ha ei dau ellas suadontas capluttas:

Caplutta da Nossadunna a Zarcuns

La biala caplutta fa dapi entgins onns ina schliata pareta. A vischins, viandonts e pelegrins fa quei tut mal. Las fatschadas ein macortas, ligiadura e colur curdada. En aunc mender stan ei il tetg da plattas da stuors. Pauc meglier sepresenta il clutger culs zenns d'anno 1788. Il stuors, montaus 1910 ei per part curdaus e neunavon vegnan las anteriuras slondas.

Gia igl onn 1986 vegn dau l'entschatta cun las preparativas per ina renovaziun exteriura dalla caplutta. La radunonza generala dalla pleiv da 1988 conceda in credit da 70 000.--francs per la renovaziun. Ina cumission fa las preparativas. In crap da scarpetsch ei denton l'annexa avon caplutta. Las autoritads communalas pretendan ina allontanaziun per saver adattar igl entir contuorn e formar in bi ambient avon caplutta. La caplutta sesanfla en ina zona verda e quella duei mantener il character original.

Il pierti ha leventau dapi varga in decenni dabia discussiun plein emeziuns da pro e contra. Gia 1975 decida la radunonza generala da pleiv la allontanaziun dalla suschna. Discussiuns han adina frenau l'execuziun.

La suprastonza ensemen cun la cumission han ussa concludiu da far naven l'annexa. Il terren che vegn entras quei libers duei denton buca vegnir unfrius per slargar la via e possibilitar in trafficun. Il plaz duei vegnir embellius, in mir entuorn entuorn ed ina entrada el vest ed ost. Dil reminent sustegn era sgr. Rutishauer digl Uffeci grischun per cultivaziun d'objects culturalis nosssa proposta.

Ussa sto il project aunc passar las instanzas da baghegiar communalas. Demai che nus vein giavischau igl agid digl uffeci cantunal e federal ston medemamein era quels prender investa dil project e dar las lubientschas.

Plinavon tonscha il credit concedius anno 1988 buca pli. Nus sperein che la cuminonza da pleiv concedi in credit supplementar per la fetg urgenta renovaziun.

Ils donaturs da Nossadunna ein numerus. Quei fa plascher ed animescha da cuntinuar e procurar per il manteniment da quei zun custeivel bein cultural. Bugen prendein nus la caschun d'engraziar da tut cor a tuts donaturs per lur bien sustegn ed agid finanziaal.

S. Onna Camischolas

Nova entrada en caplutta caschunada entras l'erecziun dalla nova via da quartier. Nova illuminaziun el cor ed ella nav.

Ils ulteriurs sanctuaris han pil bieni vargau giu basegns da neginas midadas da pli gronda muntada.

Baghetgs, casas e beins

Casa pervenda Rueras

La casa ha retschiert in parcadi per dus autos ed ina via d'access. Plinavon eisi stau necessari da far midadas vid il scaldement. Dil biro previus el sutterran havein ord differentes motivs stuiu desister. L'investiziun per quei local fuss stada memia gronda ord vesta dil survetsch e mirau il svilup digl avegnir.

Prau Parvechel

Entras l'erecziun dalla nova punt a Rueras/Milar ha la VFA duvrau in pign péz dil prau numnaus Parvechel. Cul cunsentiment digl Ordinariat episcopal havein fatg il marcau cun la VFA.

Ulteriuras fatschentas

Sper las fatschentas ordinarias sura nudadas havein nus aunc executiu:

- pliras midadas en casa pervenda a Sedrun vegnidas necessarias entras la midada da plevon
- catramau la via al santeri (miez dils cuosts)

QUEN ANNUAL

Il quen 1989/90 ei cuntenius en quei rapport. Aschia savein nus desister d'ina resumaziun. Igl ei da tener bein casa, denton tuttina tgirar quei che fa basegns. Engraziament al cassier che ha cun grond quitau e responsablada administrau las finanzas dalla pleiv. En quest liug lessel medemamein engraziar als revisurs da quen che han controllau il quen e stai da plaid e cussegl.

Ils problems e la lavur vegnan pil futur era buca a muncar. Cheu ina enumeraziun da lavurs ch'eiin previdas pigl onn vegnent ni era plitard, tut tenor la costa finanziaria.

- Renovaziun dalla orgla da s. Vigeli, previu 1991.
- Casa pervenda veglia a Sedrun. Il basegns da far certas midadas e renovar la casa baghegiada 1951 crescha d'onn tier onn. Ina lavur ch'ins sa far en pliras etappas.
- Casa pervenda Sedrun. Era cheu fa ei basegns da far diversas renovaziuns. (p.ex. finiastras, storas)

MEMENTO

En pietad seregurdein nus dils cars defuncts che han priu comiau da nus egl onn vargau per render quen perpeten. Il Segner detti ad els la meritada pagaglia. Els ruaussien en pasch.

ENGRAZIAMENT

Igl emprem engraziament meritteis Vus tuts, preziadas vischinas e vischins tuatschins per Vies agid e sustegn.

Tut special engraziament admettein nus a nos dus plevons sur Alexi Manetsch e sur Pius Venzin. Igl engaschi ei gronds ed il buordi da responsablada buca levs. Da nos preziai augsegners vegn pretendiu bia.

Engraziament era a sur Placi Huonder en casa da vegls s. Vigeli. Sia lavur pastorala egl asil appreziein nus ordvart fetg ed engraziein da cor ad el era en num dils cussadents da s. Vigeli.

Medemamein engraziar lein nus a sur Cristian Monn ch'ei ussa savens a Rueras ed ei prompts inaga ni l'otra da segidar cun nos plevons.

Nossas baselgias e capluttas vegnan embellidas e tgiradas cun carezia. Allas calustras e calusters, a tuts ugaus in engraziel fetg.

Al Chor baselgia da Sedrun e Rueras cun lur dirigents, commembras e commembers, allas organistas ed organists engarziein nus per il bi cant e la musica sacrala.

Il parter ora la communion e far lectur ei in bi survetsch per la cuminonza cristiana. A tuts quels che s'engaschan per quei pensum in sincer Dieus paghi. Nies engraziament sedrezza era alla gruppa liturgica.

In grond engraziament meretta nies Cussegl pastoral. Il rapport muossa ora ina fetg gronda activitad. A tuts commembers in engraziel, in tut special agl uerbel e premurau president Rudolf Giossi.

Engraziament era allas autoritads communalas per lur segidar e per la buna collaboraziun.

Nossas fiastas ecclesiasticas vegnan pil pli embellidas entras nossas uniuns culturalas. Nus esprimin in cordial Dieus paghi alla Societad da musica, al Chor mischedau Sedrun e Rueras, al Chor d'affons Sedrun, alla Cumpignia da mats ed alla giuventetgna.

Era a tut quels che s'engaschan per in survetsch social a nies pievel, aschia l'Uniun da dunnas Tujetsch e l'Uniun samaritana lein nus engraziar.

Engraziament merettan secapescha era tut mes collegas dalla suprastonza. In bien cooperar en quei gremium ei ordvart impurtont. Da quella emperneivla collaboraziun hai jeu adina saviu profitar. Engraziel pia a vus tuts.

CONCLUSIUN

En in rapport annual eisi struschamein pusseivel da tangar e notificar tut ils problems che sepresentan ed occupeschan in onn ora la suprastonza da pleiv. Hagies pia capientscha sche in u l'auter eveniment ei buca nudaus en quest liug.

Avon in onn haveis Vus surdau a mi il presidi dalla pleiv. Ils plevons e mes collegas dalla suprastonza ein stai buns accumpignaders e gidonters atras quei bieni. Aschia ei tutta lavur greva pli leva. Mo era davart da Vus preziai Tuatschins hai jeu saviu retscheiver agid e sustegn. Persuenter engraziel jeu.

Il Tutpussent accumpogni, protegi e governi nus vinavon.

Gonda, fin avrel 1990

Per la suprastonza dalla
Pleiv Tujetsch

il president: Tarcisi Hendry

R A P P O R T A N N U A L
dil Cussegl pastoral Tujetsch

In'ura, in di, secund en tgei situaziun ch'ins sesanfla, sa esser beinsavens schi liung. Ei dat denton era muments ch'ins sa buca capir con spert ch'il temps varga. Aschia eis ei era puspei il temps da dar plaid e fatg sur dil curriu e passau el ravugl dil Cussegl pastoral digl onn vargau.

Preziadas convischinas e preziai convischins, L'abdicaziun e comiau da sur Giusep Cathomas sco plevon da Tujetsch ha fatschentau nus bravamein. Nus havein denton giu la cuida da survegnir en la persuna da rev. sur Alexi Manetsch in augsegner che ha buca schau stermentar dil grond pensum da lavur. Sur Alexi ei sespruau da continuar il program da lavur sco nus eran disai da sur Giusep, ed aschia priu ora enqual pintga midada eis ei stau vid il medem.

Sur Alexi ei vegnius installaus a Sedrun ils 5 da november 1989. Sco el di seigi el ualti spert vegnius acceptaus dils Tuatschins ed aschia era staus spert da casa a Sedrun. Quei ei fetg legreivel, e nus giavischein era vinavon a sur Alexi satisfacziun e cuntentientscha en siu grond pensum da lavur.

Havend en egl la cuminonza dalla pleiv, havein nus anflau per bien da recitar avon mintga sepultura il rusari da cuminonza.

Cun in pign aperitiv ina ga ad oin, a Sedrun sco a Rueras, e quei immediat suenter il survetsch divin dalla dumengia (sche pusseivel sil plaz avon baselgia) lessan nus era dar caschun da prender peda ora sin via, da star ensemen da cuminonza.

Era la messa alpestra che duei promover l'unitad cun il carstgaun e natira, stimulescha adina puspei pli biars da prender part. Alla Societad da musica, che ha surpriu l'organisaziun da quella sentupada seigi engraziu grondamein.

Sin giavisch dil Cussegl pastoral han las uniuns da giuventetgna da Sedrun e Rueras era uonn surpriu l'organisaziun per in di da suppa el temps da Cureisma en favur dil Tierz mund. Nus engraziein a quels ch'ei s'engaschai, sco era a quels ch'ei vegni al gentar da Cureisma ed han unfriu per la buna caussa.

Per ademplir il giavisch da plirs interessents, havein era uonn dau la caschun da frequentar in cuors da bibla. Il cuors ei vegnius tenius da rev. sur Alexi e quei en sis gadas. Treis gadas egl Advent e treis gadas la Cureisma. Il tema ei staus: "La scaffiziun dil mund ed il carstgaun". Bein in tema che stimulescha adina puspei da seprofundar e far ses patratgs. Sur Alexi ha schau muncar neginas breigias e

fatg immensa lavur per saver far il cuors schi capeivels ed interessants sco mo pusseivel. Era ils tschun bials films en color han fascinau e dau perdetga dalla bellezza e miraculosa scaffiziun. Igl interess ei staus gronds, aschia era la presenza. A sur Alexi s'auda in grond engraziament per siu grond engaschi, sco era a tuts participonts.

El decuors digl onn havein previu da dar la caschun, e quei ina dumengia da saver assister ad in survetsch divin dil plaid a Sedrun, sco a Rueras. Cheu lessan engraziar surtut a sur Alexi sco a sur Pius che segidan cun nus en quei senn e dattan quella pusseivladad. A tut quels che stattan a disposiziun ni frequentan ils cuors per quei intent lessel ver engraziau persuerter.

Ils 30 da settember ei previu a Muster ina sentupada dallas pleivs dalla Cadi. Nus lessan appellar da reservar quei di per quei intent. Igl ei per nus e nossa regiun in novum ed ins astga segir spetgar enzatgei grondius. Il comite cun rev. sur pader Clau Lombriser sco coordinatur han gia ussa unfriu bia temps per il beingartegiar da quella sentupada. Ad els, sco a tut quels che lavuran per il beinreussir da quei di seigi engraziau gia ordavon.

Il mument essan nus vidlunder da studegiar e ponderar igl uorden e ruta da nossas processions. Nus lessan evitar ton sco pusseivel la via principala ed il traffic d'autos e motors per saver far bialas e dignas processions ed aschia dar perdetga da nossa cardientscha.

Engraziament

In cordial engraziament admettel jeu en num dil Cussegl pastoral a nos zun preziai augsegners, a rev. sur Alexi Manetsch e rev. sur Pius Venzin per lur grond engaschi en pastoraziun e pleiv.

A mes consuprastonts, sco a tuts commembers dil Cussegl pastoral seigi engraziau per la buna collaboraziun.

Bugen engraziel era alla suprastonza da pleiv Tujetsch cun il president Tarcisi Hendry per siu sustegn. A tuts gidonters en pastoraziun e pleiv, a nos chors e tuttas uniuns che segidan per il beinstar da nossas pleivs s'auda in cauld engraziament.

Era a tut quels che han remess in u l'auter uffeci el decuors digl onn seigi engraziau per tut prestau en nossa cuminonza.

Sefidond dal Tutpussent ch'el gidi e protegi nus e nossa patria era egl avegnir, giavischel a tuts in bien e vicendeivel spért da cuminonza.

Rueras, zercladur 1990

En num dil Cussegl pastoral
il pres.: Rudolf Giossi

Entradas:

Tscheins casas		14 840.--
Cassa da cumpensaziun, cassa		
da pesiun e segirada da malsogna	5 000.--	
Segirada d'accidents ord survetsch	750.--	
Tscheins conto current	200.--	
Tscheins prau	2 190.--	
Tscheins da fondos e carnets	2 800.--	
Tscheins parcadi e piazza da sport	13 860.--	
Tscheins tschaler da schurmetg	2 400.--	
Contribuziun caluster	1 500.--	
Contribuziun ductrina	6 000.--	
Restituziun taglia anticipada	650.--	
Tscheins terren utilisau	3 000.--	
Taglia 1990	160 000.--	

Expensas:

Pagas	133 000.--	
Tscheins e spesas conto current	300.--	
Manteniment da baghetgs e vias	14 500.--	
Cassa da cumpensaziun, pensiun		
e segirada da malsogna	23 000.--	
Biro, francaturas, stampats, portis	2 000.--	
Gentar per survients dalla pleiv	2 500.--	
Spesas	1 500.--	
Ieli, electricitad, aua	3 500.--	
Contribuziuns	500.--	
Hipoteca	4 400.--	
Daner da sesiuns e paga suprastonza	3 500.--	
Canalisaziun, serenera	2 000.--	
Segiradas	5 500.--	
Auto e garascha	4 800.--	
Uorden per dar ductrina	700.--	
Agids pastorals	2 500.--	
Stampats e publicaziuns	3 500.--	
Rest. taglia a luvriers jasters	1 200.--	
Taglia	550.--	
Incasso taglia	3 100.--	
Diversas	1 000.--	
	213 550.--	213 190.--
	-	360.--
	213 550.--	213 550.--

Q U E N da cult per igl onn 1989/90

Quen da menaschi:

Entradas:

Tscheins casas	14 840.--
Cassa da cumpensaziun, cassa da pesiun e segirada da malsogna	8 208.95
Segirada d'accidents ord survetsch	782.75
Tscheins quen current	260.70
Tscheins prau	2 190.--
Tscheins da fondos e carnets	2 953.15
Tscheins parcadi e piazza da sport	13 860.--
Tscheins tschaler da schurmetg	2 400.--
Contribuziun caluster	1 500.--
Contribuziun ductrina	6 000.--
Restituziun taglia anticipada	1 250.55
Tscheins terren utilisau	3 000.--
Diversas	1 383.10
Taglia 1990	163 367.25

Expensas:

Pagas	121 617.15	
Tscheins e spesas quen current	275.60	
Manteniment da baghetgs e vias	22 800.65	
Cassa da cumpensaziun e pensiun, segirada da malsogna	21 423.10	
Biro, francaturas, stampats, portis	3 628.75	
Gentar per survients dalla pleiv	1 808.30	
Installaziun e comiau augsegners	2 551.20	
Spesas	1 847.20	
Ieli, electricitad, aua	5 356.60	
Contribuziuns	3 000.--	
Hipoteca	4 540.--	
Daner da sesiuns e paga suprastonza	3 710.--	
Canalisaziun, serenera, megliuraziun	4 275.95	
Segiradas	4 291.60	
Auto e garascha	5 919.65	
Agids pastorals	1 860.--	
Rest. taglia a luvrers jasters	1 089.15	
Taglia	1 107.40	
Incasso taglia	2 966.85	
Diversas	1 750.--	
	215 819.15	221 996.45
	+ 6 177.30	
	221 996.45	221 996.45

B I L A N Z A per ils 28 da fevrer 1990

A C T I V A :

Cassa	5.68
Conto current GKB Sedrun	7 876.05
Conto current Raiffeisen	48 424.75
Casas	65 616.85
Dabien taglia	95 376.15
Praus	1.--

P A S S I V A :

Deivet hipotecar	65 616.85	
Imprest caplania Selva	9 963.35	
Imprest pervenda Rueras	11 093.35	
Reserva manteniment da baghetgs	30 000.--	
		<hr/>
	116 673.55	217 300.48
	100 626.93	
		<hr/>
	217 300.48	217 300.48
		<hr/>

C U M P R E G L I A Z I U N :

Surpli activa 1989	94 449.63
Surpli activa 1990	100 626.93
	<hr/>
	6 177.30
	<hr/>

	OBLI.	CAR.SPAR.	IMPRESTS
<u>Pervenda e caplania Sedrun</u>			
Tier banca cantunala	33 000.--	10 254.40	
Tier banca Raiffeisen	19 000.--	4 333.08	
	<u>52 000.--</u>	<u>14 587.48</u>	
<u>Pervenda Rueras</u>			
Tier banca Raiffeisen	7 000.--	1 065.90	
Dabien dalla pleiv			11 093.30
	<u>7 000.--</u>	<u>1 065.90</u>	<u>11 093.30</u>
<u>Caplania Selva</u>			
Tier banca cantunala	7 000.--		
Tier banca Raiffeisen	5 000.--	1 365.15	
Dabien dalla pleiv			9 963.35
	<u>12 000.--</u>	<u>1 365.15</u>	<u>9 963.35</u>

Rueras, 28-2-90

il cassier: Bruno Berther

<u>Sedrun: Baselgia s. Vigeli</u>	ugau: Leci Jacomet
Capitals baselgia s.Vigeli	frs. 18 985.90
Deivet	frs. 123 747.55
<u>Sedrun: fondos da messa</u>	administratur: Leci Jacomet
Messas fundadas s. Vigeli	frs. 154 548.50
Messas fundadas caplania	frs. 21 731.65
<u>Rueras: Baselgia s. Giachen</u>	ugau: G.Giachen Monn
Fondo baselgia	frs. 8 800.45
Conto da baghegiar	frs. 15 049.30
<u>Rueras: fondo da messas</u>	administratur: G.Giachen Monn
Messas fundadas s. Giachen	frs. 99 835.55
<u>Selva: Baselgia s.Gion e s.Paul</u>	ugau: Stiafen Venzin
Facultad	frs. 47 040.50
<u>Selva: fondos da messas</u>	administratur: Stiafen Venzin
Messas fundadas	frs. 30 010.40
<u>Giuv: Caplutta s. Bistgaun</u>	ugau: G.Giachen Monn
Facultad	frs. 14 714.15
<u>Caplutta s. Brida</u>	ugau: Stiafen Venzin
Facultad	frs. 7 819.60
<u>Bugnei: Caplutta s. Giusep</u>	ugau: Adalbert Decurtins
Facultad	frs. 24 327.55
<u>Camiscolas: Caplutta s. Onna</u>	ugau: Venanzi Cavegn
Facultad	frs. 14 605.80
<u>Surrein: Caplutta s. Antoni</u>	ugau: Valentin Hendry
Facultad	frs. 25 567.45
<u>Cavorgia: Caplutta s.Leci</u>	ugau: Gaudenz Hendry
Facultad	frs. 11 859.15
<u>Zarcuns: Caplutta da Nossadunna</u>	ugau: VigeliSchmid
Facultad	frs. 112 540.20
<u>Tschamut: Caplutta s. Clau</u>	ugau: Beat Müller
Facultad	frs. 5 520.40
Conto da renovaziun	frs. 7 649.45

R A P P O R T D I L S R E V I S U R S D A Q U E N

Sut datum dils 2-5-90 han ils suttascrets revisurs repassau il quen e la bilanza per 1989/90 dalla pleiv da Tujetsch.

Nus havein controllau entradas ed expensas, la bilanza sco era la facultad ed ils tetels da valeta.

Per las expensas ein tuttas quittanzas avon maun. Ellas ein vegnidas controlladas miniziusamein. Tier tuttas damondas leutier ha nies zun premurau cassier saviu dar sclariment.

Il quen ei menaus gests ed entelgeivels ed ei s'auda in grond engraziament per il stupent siaraqen a nies cassier.

Sin fundament dallas controllas fatgas, proponin nus alla hodierna radunonza da pleiv:

- a) d'approbar il siaraqen e la bilanza dalla pleiv per igl onn 1989/90,
- b) da dar scarica alla suprastonza e funcziunaris,
- c) d'admetter in cauld engraziament a nossa suprastonza, sco era a tuts funcziunaris dalla pleiv da Tujetsch. Quei engraziament auda era a nos reveri augsegners ed a tut tgi che ha luvrau per il beinstar da nossa pleiv.

Sedrun, 2-5-90

Ils revisurs:

Schmid Robert



Cavegn Rudolf



Entradas:

Tscheins casas		15 540.--
Cassa da cumpensaziun, cassa da pesiun e segirada da malsogna	8 300.--	
Segirada d'accidents ord survetsch	1 300.--	
Tscheins quen current	250.--	
Tscheins prau	2 190.--	
Tscheins da fondos e carnets	2 900.--	
Tscheins parcadi e piazza da sport	13 860.--	
Tscheins tschaler da schurmetg	2 400.--	
Contribuziun caluster	1 500.--	
Contribuziun ductrina	6 000.--	
Restituziun taglia anticipada	1 000.--	
Tscheins terren utilisau	3 000.--	
Taglia 1990	160 000.--	

Expensas

Pagas	130 000.--	
Tscheins e spesas quen current	300.--	
Manteniment da baghetgs	20 000.--	
Cassa da cumpensaziun, pensiun e segirada da malsogna	23 000.--	
Biro, francaturas, stampats	5 000.--	
Gentar per survients dalla pleiv	2 000.--	
Spesas	1 500.--	
Ieli, electricitad, aua	5 000.--	
Contribuziuns	3 000.--	
Hipoteca	4 600.--	
Daner da sesiuns e paga suprastonza	3 700.--	
Canalisaziun, serenera	2 200.--	
Segiradas	5 000.--	
Auto e garascha	5 400.--	
Uorden per dar ductrina	700.--	
Agids pastorals	2 000.--	
Rest. taglia a luvrers jasters	1 500.--	
Taglia	1 200.--	
Incasso taglia	3 000.--	
Diversas	1 500.--	
	220 600.--	218 240.--
	-	2 360.--
	220 600.--	220 600.--

U F F I C I A L S D A L L A P L E I V T U J E T S C H

Suprastonza dalla pleiv

president	Tarcisi Hendry, Sedrun/Gonda
vicepres.	Silvio Schmid, Rueras
actuara	Reginalda Degonda, Sedrun
cassier	Bruno Berther, Rueras
	Judith Hendry, Sedrun
	sur Alexi Manetsch, Sedrun (ex off.)
	sur Pius Venzin, Rueras (ex off.)

Revisurs da quen

	Rudolf Cavegn, Sedrun
	Robert Schmid, Sedrun/Gonda
suppleants	Tadeus Giossi, Rueras
	Ambrosi Soler, Bugnei

Ugaus baslegia e capluttas

Tschamut	Beat Müller, Tschamut
Selva	Stiafen Venzin, Selva
S.Brida	Stiafen Venzin, Selva
Giuv	Gion Giachen Monn, Rueras
Rueras	Gion Giachen Monn, Rueras
Zarcuns	Vigeli Schmid, Zarcuns
Camiscolas	Venanzi Cavegn, Camiscolas
Sedrun	Leci Jacomet, Sedrun
Bugnei	Adalbert Decurtins, Bugnei
Surrein	Valentin Hendry, Surrein
Cavorgia	Gaudenz Hendry, Cavorgia

Organists

Selva	Stiafen Venzin, Selva
Rueras	Vincens Pally, Rueras
	Rita Berther, Rueras
Sedrun	Leci Jacomet, Sedrun
	Miriam Berther, Sedrun/Gonda
	Jovita Valier, Camiscolas/Lucerna
	Claudio Simonet, Curaglia
	Erica Steinacher, Muster/Turigt

Dirigents dils chors baselgia

Rueras	Hans Monn, Camiscolas
Sedrun	Tarcisi Hendry, Sedrun/Gonda

Calustras

Rueras	Imelda Monn-Monn, Rueras
Sedrun	Ursula Deplazes, Sedrun

Cumission renovaziun caplutta da Zarcuns

Hendry Tarcisi, Sedrun
Cavegn Pius, Camischolas
Schmid Vigeli, Zarcuns

Cussegl pastoral

Elegi entras la radunonza da pleiv:

Rudolf Giossi, Rueras, president
Benno Cavegn, Sedrun
Ervin Monn, Rueras
Judith Hendry, Sedrun
Franz Schmid, Sedrun/Gonda
Ignazi Schmid, Rueras
Giuseppa Giossi, Rueras
Nesa Cavegn, Sedrun
Isidor Monn, Sedrun

Numnai entras ils plevons:

Giuseppa Schmet, Sedrun
Ludivina Loretz, Sedrun
Ottilia Giger, Sedrun

Delegada dalla suprastonza da pleiv:

Reginalda Degonda, Sedrun

Ex officio:

Manetsch sur Alexi
Venzin sur Pius

Parter ora la s. communiun e lecturs/as

Rueras

Blancarda Berther, Rueras/Dieni
Barla Berther, Rueras
Imelda Monn, Rueras
Giusep Huonder, Rueras
Cristian Venzin, Rueras
Giuseppa Giossi, Rueras
Lisabet Berther, Rueras
Marcella Giossi, Rueras
Lucia Giossi, Rueras

Sedrun

Marcel Soliva, Sedrun
Ursula Deplazes, Sedrun
Norbert Riedi, Sedrun/Gonda
Franzisca Cavegn, Sedrun
Vigeli Jacomet, Sedrun
Loretz Letizia, Sedrun
Marcus Munsch, Sedrun
Giuseppa Schmet, Sedrun
Irma Manetsch, Sedrun/Gonda
sora Crista Bundi, Sedrun/Gonda
Nicole Stiefenhofer, Sedrun/Gonda
Sep Andriu Monn, Sedrun
Vigeli Schmid, Zarcuns
Marianna Monn, Sedrun
Nesa Cavegn, Sedrun
Miriam Berther, Sedrun/Gonda